

追求美好生活年轻人们,化妆护肤要影相记录,食住好嘢又会打卡推荐,仪式感满满。试一下,如果彩妆同美味 crossover,靚样係会变得“可口”咧?瓜子面膜、“奶茶”味 SPA、“糖葫芦”做唇膏。各种奇妙联动,令你心动、味蕾大动,一起“开餐”化妆啦!

郭玮/文 品牌官网/图

可口靚妆 奇遇记



以形补形“好帮手”

“瓜子面口”一般就形容女仔样貌娟秀、下巴尖尖,虽然话“以形补形”係条大道理,但瓜子食得多,想 keep 住瓜子面就有咩可能了。“洽洽香瓜子”就睇透咗呢班“想食又想靚”嘅朋友嘅小心思,同“米蓓尔”联手,推出咗“瓜子脸面膜”。呢款面膜从包装开始就“以形补形”,等你剥开“瓜子壳”就拥有靚面孔。虽然内外包装均“洽洽化”,但内里面膜依然係品牌嘅爆款系列面膜,补水保湿效果一流。除咗呢款“瓜子脸面膜”之外,“小杨生煎”都用咗佢哋招牌“生煎包”来包装面膜。上面嘅“葱花”粒粒分明,膜布仲好有心思咁设计成“小龙虾”内馅,敷起身可爱又搞笑。你估下款“龙虾生煎包面膜”可以补咩形咧?



喜欢“唇”的甜

冰糖葫芦酸甜开胃,边个食落嘴都会心情靚靚。将美味糖葫芦同彩妆结合,係糖葫芦品牌“喜识”同“rom&nd”彩妆嘅甜蜜尝试。生津润喉嘅果子与色彩绚烂嘅唇釉,无论係外形定係“味道”都好啱 key。唇釉亮泽水润嘅视觉效果,咁啱就似糖葫芦晶莹剔透嘅糖皮;唔同成熟程度嘅“果实”,仲可以对应不同色号,每一口都 juicy 到爆。糖果嘅甜更係无可取替嘅美味,“16brand”同“士力架”联名打造嘅唇膏,唔单止颜色超甜,连香味都係甜味,每次用完都秒变 sweet girl。同样都係糖果,“大白兔”同“美加净”都深谙联名潮流之道,佢哋联名嘅润唇膏,牛奶嘅香甜同润滑都诠释到位,满满童年回忆嘅上见。



“沉浸式”奶茶体验

奶茶就人见人爱,靚样就肯定车见车载啦。“喜茶”推出牛油果系列饮品嘅时候,大家排晒长龙,都只为一尝牛油果饮品嘅丝丝滑美味。而“科颜氏”旗下嘅牛油果系列护肤产品同样深得人心,于是“喜茶”同佢就联手共建“牛油果灵感加油站”。两大品牌嘅“牛油果”做咗联名,青啤啤嘅两款产品放埋一齐完全唔违和。同样嘅奶茶品牌嘅“乐乐茶”和宠物用品品牌“小壳”都成咗跨界大联盟。草莓酪酪、杨枝甘露、脏脏奶茶口味嘅动物 SPA 手套,免水帮小动物“冲凉”,无毒易干,话咁易就可拥有一只奶茶味嘅靓靓小宠。



CHOK爆“男人味”

讲到可口嘅“美味”,点少得“男人味”?粉嫩甜美男士可能好难 hold 得住,man 爆嘅“狼队”足球俱乐部同“AHAVA”,携手推出男士劲爽控油护肤系列礼盒,令各位食靚男士以“狼”之力,打造劲爽靚肤。但嘅经典黑金配色充满男人味,一盒就可以完成所有护肤程序,晒晒怕麻烦嘅“男朋友”们。每个男仔嘅梦想“奥特曼”,就同“乐有石”一起,向男士送上实现梦想嘅“光”。联名系列嘅洁面露,啱洗白白嘅过程中,帮你注入“超人能量”,你中唔中意?

出击! 除螨特工队



强劲“吸引力”

“除螨仪”最叻嘅地方,就係佢嘅强大“吸引力”啦。无论係大块嘅零食渣渣,定係肉眼难以察觉嘅螨虫排泄物,一台吸力好嘅除螨仪都可以通通帮你吸收干净。“小米”除螨仪拥有高效能电机,可以释放 12000pa 嘅大吸力,除咗吸走平面家具表面嘅灰尘毛发之外,仲可以帮你“拔”除物件深层嘅敏感原。清洁毛毯、毛绒玩具、布艺装饰等等容易匿藏尘螨嘅物件,比普通水洗更透彻。而且佢仲有 50°C 热风除湿功能,渗入床铺被褥内部,烘干汗液同湿气,彻底破坏细菌温床,等你可以睡醒松干爽嘅包围下安心休息。旧款除螨仪係有线嘅,可以随插随用,但线嘅长度会有所限制;如果拣无线嘅新款,记得要及时充电,确保使用嘅时候够 power 哦!



硬镜“高颜值”

咪以为负责做家务嘅除螨仪,“颜值”就入唔到后生仔法眼啊,依家嘅除螨仪都好“有型有款”。美嘅嘅各款除螨仪都自带“美颜”,深得人心,有粉嫩圆滑嘅床上专用款,除咗超强拍打功能之外,仲有仿阳光紫外线灯,深层照射净除菌一步到位;环形手柄设计除咗除螨机筒约好睇,兼顾人体工学同家居美学嘅手柄,推、拉均可顺滑移动,用起来更加得心应手;小盒子款嘅系列胜在轻盈小巧,只有 1.3kg 嘅重量令你做家务都优雅唔拗手,粉红、纯白色清新又暖心。仲有同小黄人嘅联名款可以选择,轻松点燃小朋友劳动热情。



专利“啪啪啪”

因为螨虫好“狡猾”,脚仔生满倒刺,抓实毛织物后就唔容易整甩,所以以前晒嘅时候,都会对张被拍拍打打,“震”起响虫虫坏蛋。“莱克”除螨仪嘅拍打技术通过专利认证,由一条拥有 14 根凸筋嘅 V 型滚刷,承载每分钟 52000 转嘅高频不间断螺旋拍打,势要将污糟渣渣都“拍”晒出嚟。特别加宽设计嘅吸尘口,同双电机强劲吸力,仲有 UV-C 紫外线除菌技术,光波、振动波双维出击,据说除菌杀菌率可以高达 99.99%。值得一提嘅係,呢个牌子嘅除螨仪仲可以根据唔同嘅环境,设定不同模式嘅除螨动作,保证干净卫生嘅同时,更好保护毛织物,真係几贴心。

